

1^v

wye loblich vñ vorfichtig allerdurchleuchtigster
 Großmechtigster konig/ Auch mit waß tugent vnd gutten anfhlegen
 Jn anfang das Rômifch reich von geringen vrsprüngen Jn groffe
 macht vnd wesen kummen/ Durch wôlich vrfach das gewachsen/ vnd
 wydervmb zû mehr malen Jn abnemen gefallen sey? Wirdt von dem allerredpre-
 chften Tito Liuio Jn Seyner Rômifchen Hiftorien (die er befchriben hatt) an ge-
 zeygt/ Die billich alle Regirer (als eynen Spigel vnd exempell) anfehen/ Dar Jnñ
 alles waß zû merung des reichs nützlich vnd dinstlich fein/ Waß auch daffelbig in ab-
 fall bracht vnd teglich bringen mag erfunden wirdt/ Dañ keyner vnder allen den
 die Hiftorien befchriben/ Das Rômifch reich also herlich vnd prechtlich (wie Liui-
 us) gezireth hat/ der auch bey feynem leben/ nicht weniger lobs Jn den Rômifchen
 gefchichten zû befchreibē/ Dañ die ftadt Rom in vberwindung der feinde vñ Jren
 triumphen hat erlangeth/ Auch Sanct Hieronimus Jn der vorredt der Biblien
 anzeige gibet/ do er fagt/ Wie etliche Edele herñ von Franckreich vñ Hispanien zû
 Tito Liuio/ als zû eynem bach ader fließ der von Suffen vnd Iyblischen reden (als
 mit milch flüffe) kummen feyn/ vnnd dye Jhenen/ die dye ftadt Rome Jn allem
 Jrem wesen vnnd vermogen/ nicht bewegen mogt/ do hyn zûkummen/ vnd fie zû
 befichtigen/ hat das gerucht vnd lobe dißes eynigen Titi Liuij dahyn bracht/ das
 fie Jnen alleyn fehen vnd hõren wolten/ Danñ Liuius vor allen anderñ (dye von
 der Römer vnd ander Nation gefchichten vnd kriegem gefchrieben haben) den fur-
 zuge (vnd als Hercules) vnder allen ftarcken vnnd platz beheldeth/ Als der Jhene
 der Jm lefen nicht verdrossen/ Sünder lieplich vnd frolich/ Auch Jm außfprechen
 dapffer vnnd großmützig wirdt erfunden/ keyner ift vnder allen den Jhenen/ dye
 Hiftorien ye befchriben haben/ der die Oren der menfchen mit feinen reden vnd Ora-
 tion (die allenthalben in difem Büch eyn geflochten fein) volkũlicher moge erfüllen
 keiner/ der dan hertz vnd gemudt der menfchē/ mehr durchdringen vnd leichtlicher
 zû freude zorn vñ mit leyde bewegen mage/ danñ Liuius/ Deß halbeñ er woll billich
 alleñ anderñ in Hiftorien fur gefetzt vnd für den besten vnd nützlichften gehalten
 wirdt/ Do mit aber folich Hiftoria auß dem Latin Jn Teützſch verandert/ an-
 den tack kũmen/ vnd offenbarth wurde/ Jft meyn begire lange zeit gewelt dye fel-
 bige ewr koniglich Maieftadt (als eynē obriften haupt vnnd Rigirer des heiligen
 Rômifchen reichs zû zũfchreiben/ wye danñ hyevor der gleichen. Valerius Maxi-
 mus fein hiftorien/ von merglichen gefchichten vnd ſpruchen/ dem keyfer Tiberio/
 vnd Plinius fein werck von der natürlichen Hiftorien Tito Veſpaliano zũgefchri-
 ben vñ gefchickt haben. Solich werck Allermechtigster konig (das zû vor ane ewr
 koniglichen maieftat zû Eeren/ Dar zû Furften vnd herñ Auch Gemeynen vnd
 Steten Teutzſcher Nacion/ zû nütze in teutzſch bracht vnd Jn der loblichen Stadt
 Mentz gefertigt vnd getrückt ift) wöll Ewr ko. M. gnediglich vffnemē/ Jn welich-
 er ftadt auch anfenglich die wunderbare kunft der Trückerey/ vñ Jm erften von
 dem kunftreichen Johan Güttenbergk/ Do mañ zalt nach Chrifti vnfers heren ge-
 bürth Taufent vierhunderth vnd fünffzig Jare erfunden/ vñ darnach mit vleyß

kost vnd arbeyt Johan Fauften vnd Peter Schöffers zû Mentz gebetterth/ vnd
bestendig gemacht ist worden. Darvmb die selbe Stadt nicht allein bey Teützfcher
Nacion/ Sund⁹ auch bey aller welt In ewige zeit (als wol verdyneth) gepreyft vñ
gelobt folle werden/ vnd dye Burger vnd eynwoner do felbift des billig genyffen.

a1^r

I

Ein kurtze vorred der rechten
waren Romifchen hyftorien

DO ich offft vnnd vil by mir felbs betracht hab.

was einē weltlichen man aller meift zū vernunfft dienē/ zū manheit vnd
einem tugenrichen leben bringen müg/ Find ich nach mynem beduncken
nit nützers noch frucktbarlichers/ dan flyffig hiftorien vnnd alt gefchichten ze lefen
wa die allein ordenlich/ als fich des die alten rōmer geflyffen haben/ befchriben wer-
den/ wan von inen ein yde gefchicht warlich/ wie fich die an ir felbs begeben hat/ mit
allen vmbftenden worten vnd tatten/ dar an icht gelegen gewefen ift/ befchribē wirt
wa das nit befchicht/ möchte fyn/ das fich vff hiftorien zū geben/ kleine frucht gebar.
Dan was hilfft mich/ oder war zū dienet es mir/ das ich weiß/ das die rōmer ir küng
vertriben/ vnd ein ander regimēt/ an fich genomen habē/ fo ich nit weiß/ warumb/
vnnd vß was vrfachen es befchehen ift/ oder was nutz entftett mir darvon das ich
liß/ das Scipio der Edel rōmer/ die mechtigen ftat Cartago gewunen vnnd erobert
hat/ wan ich aber ein vffmercken hab/ vß was not das befchehen ift/ was fich die
rōmer vnnd Cartago/ dar vnder erlitten haben/ was red vnnd tading dar zwüfchē
gefcheheit fyn/ wie wyßlich mit was vorteil vnnd hoher vernunfft Scipio fein an-
fchleg gemacht/ wie manlich vnnd ritterlich er den nachkōmen/ vnd die mit den wer-
ken volltreckt/ vnnd vollendet hat/ das dienet/ einem yeden/ der fich in ritterlichen
oder weltlichen fachen üben foll vnnd muß/ daruß nympt/ der alt wißheit/ der iung
manheit vnd gefchiklichkeit/ vnd lernet/ wie man fich zū tugenten keren/ fchand vnd
lafter fliehen vnnd myden foll/ es mag ouch ein yder/ der in der welt fyn wil/ fyn ver-
nunfft/ durch follich alt gefchichtē leytē vnd richtē/ vnd dar ab exēpel nemē/ wie im
gezymb fyn leben zefchicken in allem dem das im begegnet vnd zū handen gat/ wie er
es zū güttem loblichent end pringen müg/ vnd das nit allein in kriegem/ vnd in ftry-
ten/ fonder ouch in Retten/ vnnd in allen burgerlichen fachen/ die fich in landē vnd
ftetten begeben mügen/ Wer ouch bedenckt wie Rom die ftat einen ringen anfang
gehept/ durch wōliche übung vnnd fitten fo großlich zūgenōmen gewachfen/ vnd zū
lefft alle diße welt beftritten ir vndertōnig vnd gehorfam gemacht hat/ war durch ir
gewalt vnnd macht fich gemyndert vnnd wider abgangen ift/ das dient nit wenig
einem yden/ der von gott dem almechtigen dar zū angefehen vnnd verornet ift/ das
er land oder ftett regieren fol/ Halten wir nicht/ darumb die alten für wyfer/ dan die
iungen das fie geübt/ vil gefehen/ vnnd erlept haben/ daruß fie gegenwürtige zūfell
defterbaß fchicken künden vnnd wiffen/ Wie wol fich ir alter/ menfchlichem leben
nach/ nit über achzig oder vff das lengft/ zū hundert iarē ftrecken mag/ die 3yt lang
vnfers lebens/ wir das mynder teil/ vnns felber vnnd andren menfchen ze nutz brin-
gen/ wan die iuget wirt gemeinlich in torheit vnd yttelkeit üppenklischen verzert/ fo
wirt das alter geprechēlich/ vnd mit blōdikeit beladē/ vnd fo ein mēch im felber vnd
andern am nutzeften wer/ fo würfft in krankheit dar nider/ oder wirt mit dem tod

von hynnen gefcheiden/ wer aber flißlich hiftorien vnnd alt gefchichten lißt/ vnnd
dar durch erfert nit allein was in eins menfchen leben/ oder in einer ftat/ fonder was
fich in allen landen vnd ftettē vor zweytufent iaren her mercklichs begeben hat/ der
mag (wa er das in fich bildē vnd faffen wil.) in kurtzen iaren erlangē vernunfft vnd
gefchiklicheit/ das er fich on zwyfel in allem dem das im in fynem leben zůtet/ defter

a

a1^v

weißlicher vnnd fürfichtiglicher halten/ im selber vnnd andren nutz schaffen Eer vnnd lob erlangen mag/ dar vmb sollen wir billich danck fagen den alten. die follich hiftorien vnnd alt gefchichte mit großem vlyß iren nach kōmen zūgūt vnnd inen selber zū ewiger gedechtnuß befchribē haben. ¶So ich nūn beynd/ das in tütcher zungen follicher warē vnd rechtbefchribner hiftorien groffer mangel ift (.Hab ich Bernhardus fchōferlin/ doctor in keyferlichen rechtē) mir selber fürgenōmen mit hilff des Almechtigen gotz (.der myn vernunfft vnnd zungen/ leyten wol.) dem gemeinē nutz zū gūt. zū lob vnd eer/ tütcher nation zū befchriben die rechten waren rōmifchen hiftorien. von vrprung der ftatt Rom/ wie fie von erft gebuwen ward. wie ir regimēt von anbegynn durch die küng/ darnach durch iarlichē gewalt zweyer Burgermeister (.die fie Confules genent haben.) vnnd eins ratz. ein lange zyt beftanden fy/ wie ouch das rōmifch volck durch die gmeind oder zunfftmeister (.die fie Tribunos plebis genant haben.) den hogften gewalt an fich vnd die gmeind pracht hat/ Vnd wie es am ledften zū der Monarchia/ das ift zū gewalt vnd regiment/ eins einigen menfchen kōmen fy/ dardurch die keyferlich wūrde iren vrprung vnd anfang genōmen hat/ vnnd was zwytragtikeit/ krieg vnnd ftryt fich dar vnnder zwyfchen frunden vnd fynden begeben habē. Jch würd ouch zū fynen zyten der tütchen manheit/ vñ tugend nit vergeffen/ Sonnder ordenlich befchriben/ was in vor fünffzehnhundert iaren mit den Rōmern vnd ander nation begegnet ift/ wan ich fynd fouil manheit vnd ritterlichs werben von inen befchriben das fie in dem für all nation gelobt fyen Jch wil mich aber nit fliffen noch dar vff gebē/ das ich von wort ze wort die altē bücher der hyftorien zū tütch bring/ wan fy zūuil lang fyen. vnd menig heidifch gefert vnnd abgöttery in fich halten/ fonnder allein dar vß ziehen vñ nemen/ das fich mynem beduncken in tütcher fprach am balten fūgē wil. Ouch mich nit vff ein büch begeben/ funder vß allen bewerten büchern durch die latinifchen vnnd kriechifchen befchribē/ fameln/ das mir fūglich ift/ als die binen tünd/ die vß mengerley blumen dz fūß fugen/ dauon fie ir honig zūfamen tragen/ Vnnd will verfuchen ob es in tütcher fprach lieplich zūhören/ fūßlich luten/ oder icht fruchtpers da von entfpringen wöl. Jch hoff es foll zū dem mynften mer nutz pringen dan das man die fabel (.die man nennet/ die Ritter bücher.) die erdachte vngelchehne/ ouch vnglōpliche ding in fich halten/ lefe/ die ouch den menfchen zū follicher vernunfft/ vnd gefchidlicheit Als dife warhafttge hyftorien nit ftüren noch pringen mügen/ vnd bit ein yeden der diß büch lefen wirdt/ das er myner geprechenlicheit verzyhen vnd ich fey lebend oder tod myn zū dem beften wöll ouch gedencken.

Aa1^v

Die vorrede in das driet teyle der Romifchen hiftorien auß Tito Liuij gezogen.

nAch dem vnd tzwyeteyl difer hiftorien von dem hochgelerten der keyfferlichen rechtē/ Doctor Bernhart ſchöfferlyn/ allen Regirern der landt vnd ſtedt zů eren vñ nutze/ auß dem latein in tůtzfche ſprache wye oben angezeigt gebracht fein/ vnd nūe das dritte teyl (durch todlichen abganck deffelbigen von ime nicht hatt mōgen fürgenommen werden wye wol er follich in anfangē dißs wergks verheiffen vñ wūe ſich fein lebē lenger erftrekt zů thůn nicht vnnderlaſſen hett/ So aber der falle vnnd das glůcke menſchlicher gebrechlikeit/ ouch die hoffnung des langk lebens betriglich iſt/ vñ wir menſchen in der farth difer welt (als in dem vngeftůmen mere vil eher zů grund gehen vnd ſterben/ Dañ wir wydervmb in den porth vnd zů lande ſchiffen oder kummen mogen/ Darumb vnſer anſchlege vnnd fürnemen offt meher verhindert vnnd keynen furganck/ wenun ir entſchafft erlangē/ Damit aber follich loblich hiftoria dye fürnemlich/ den fürften vñ regirern/ Auch den von der ritterſchafft faſt nůtzlich iſt vñ biß here lange zeit verborgen gewelt/ zů licht vñ an den tage bracht/ vnd geendeth wůrde/ Habe ich Juo wittig von Hamelburgk geiftlicher recht lerer der zeit ordinarius/ Sigler vnd Canonick fant Victors ſtiffz zů mentz/ zů eren teůtzfcher nation vnnd zů fürderung gemeynes nutze/ mir follich dritt vnnd letzt teyl der Rōmifchen hiftorien Titi Liuij/ das noch von den andren (dye vor zeiten verloren fein) vbrig funden wirt auß latinifcher ſprach) ſo vil mir mōglich fein vnd ſich criftenlicher ordnung vnnd gůtten ſittē gezymen wil/ zů eynem teyl in dentzſch zů bringē fürgnomen jn welcher hiftorien/ dye gewaldigen vnd Regirer der landt vnd ſtedt als in eynem ſpigell ſehen vnnd erkennen mogen/ wie ſie ire vnnerthan regiren/ was ſie ouch in zeiten des Friden vnd in kriegs leůffen bey den ireu vnd gegen den ſynden fürnemen vnnd handeln ſollen/ deß ſye alles vß difem bůche Titi Liuij gnůgſam bericht mogen empfehē/ welichs meynung vnd wort zů teutfch hye nach folgen.